



Selasa, 6 April 2021
Johanes 20: 24-29



Teklah!



Erbage-bage tipe jelma i bas kegeluhen enda si mpengaruhi perukurena. Lit tipe visual, ia tek nandangi kai si idahna. Biasana tek ia temanna rate ngena bana alu ibereken bana kado/bunga. Lit tipe audio ia tek nandangi kai si ibegina, emaka bicara labo ibegina berita e secara langsung mesera nge mpengaruhi perukurena. Lit tipe digital adi lenga iukurkenna secara logika perukurena lenga ia tek, tipe si enda biasana jelmana keras berpikir. Lit ka tipe sentuh, adi lenga idadapna la ia tek. Bicara erdalan ia ras mamrena, soor ia adi irangkul, entah igandeng mamrena e ia. Sirenungken kentsik, tipe siapa nge kita ibas si enda? Dibata njadikan kita pelain-lain, em keuniken manusia ijadiken Dibata, labo seri kerina guna saling ngelengkapi.

Sekalak ajar-ajar Jesus eme Tomas, asum Jesus ncidahken diriNa man ajar-ajarNa ia la i je. Emaka asum ituriken teman-temanna si deban kerna kekeken Jesus, maka nina ia lenga bo tek Jesus e keke adi la itamakenna jari-jarina ku awak Jesus. Emaka rusur ka kata Tomas enda itujuken nandangi kalak si la tek berita si begina. "Bagi Tomas kel kam, la kam tek kai siikatakan kami e." Seminggu kenca si e reh ka Jesus, i je me itamakan Tomas jari-jarina ku awak Jesus em dalanna ia tek.

Nina Jesus malem tuhu-tuhu ate kalak si tek man bangKu aminna pe la Aku idahna. Em erkiniteken, kita labo ngidah Dibata secara langsung alu mata fisikta enda, tapi tek kita Ia ras kita (immanuel) alu bage la pe lit bukti fisikna, banci siidah Ia bagi dirinta enda, kundul i sebelahna misalna, amin gia labo sibegi secara langsung soraNa ngerana ku bas cupingta enda. Tapi tuhu-tuhu malem ateta tek kita man Jesus e maka Ia tetap ras kita i bas kegeluhenta enda. Alu bage selaku moria si tek nandangi Tuhan kita tetap nggejapken pengarak-ngarak dengen pengkawali Tuhan si tetap i bas kegeluhenta enda. Amin.

Jesus ingan kinitekenta.



